

## Nguva yo fayila ya vathori ya 2025

**Tshwane, 24 Dzivamisoko 2025** – Vukorhokeri bya Xibalo bya Afrika-Dzonga (SARS) byi tsakela ku tivisa leswaku ti 31 Mudyaxihi 2025 i siku ro pfala ro fayila ra Ntiviso wa Lembe wa Vathori.

Phurosese ya Ntiviso wa Lembe wa Vathori i goza ra nkoka swinene leri landzelaka Nguva yo Fayila ya Xibalo xa Munhu yena N'wini (PIT), leri humelalaka kwala ku fambeni elembeni. Vuxokoxoko lebyi hlengeleteweke enkarhini wa nkarhi wa Ntiviso wa Lembe wa Vathori, mitiviso ya n'hweti na n'hweti eka EMP201 na ndzinganiso ka EMP501 swi pfuneta SARS ku nyika vahakelaxibalo mihlahluvo leyi tiendlekelaka leyi lulameke na Ntlheriso wa Xibalo wa Malinghena (ITR12) lowu ngenisiweke vuxokoxoko khale. Vuxokoxoko lebyi kayiveleke kumbe lebyi hoxekeke byi ta endla swi tika eka vatirhi ku fikelela swiboho swa vona swa xibalo. Hangalaso hi nkarhi wa tisetifikheti ta IRP5 na IT3 hi vathori swi na nkoka swinene tanihileswi vatirhi va lava tisetifikheti leti ku kota ku fayila mitlheriso ya vona ya tiITR12 enkarhini wa nguva ya xibalo.

SARS yi tivisile vhexini leyi ndlandlamuxiweke ya *e@syfile™ Employer software (version 8.0)* ku fuwisa ntokoto wa wena wo fayila. Vhexini ya sweswinyana yi ta na vuswikoti lebyi antswisiweke, ku tiyisisa phurosese ya ndzinganiso wa timali yo rhetela, ya vuswikoti swinene. Hi hlohotela vathori, vativi va swa xibalo na valawuri va nongoloko wa vathori ku kopa vhexini yintshwa ya *e@syfile™ Employer v8.0* ku suka eka pheji ro kopela ra *e@syFile* eka [www.sars.gov.za](http://www.sars.gov.za) ku nga si rhumeriwa mitiviso ya Lembe ya Vathori.

Swi na nkoka ku lemuka leswaku vathori hinkwavo va laveka naswona va fanerile ku rhumela Ntiviso wa Lembe wa Vathori, ku katsa na Vathori lava nga riki ku tirheni mayelana na swa ikhonomi. SARS yi ta khoma Vathori hinkwavo va va na vutihlamuleri mayelana na nkavulandzelelanawu eka rhumelo wa Ntiviso wa Lembe wa Vathori.

Vathori va nga fikelela tivhidiyo ta leswaku "swi endliwa njhani" leti ngenisiweke eka *SARS YouTube Channel*.

Mayelana na vuxokoxoko byo tala u komberiwa ku tihlanganisa na [SARSMedia@sars.gov.za](mailto:SARSMedia@sars.gov.za).